



ERINDISBRÉF

Atvinnumálanefndar Skaftárhrepps

Stjórnskipuleg staða

Atvinnumálanefnd Skaftárhrepps heyrir undir sveitarstjórn Skaftárhrepps.

Skipan, seturéttur á fundum og áheyrnaraðild

Í atvinnumálanefnd eiga sæti fimm fulltrúar kosnir af sveitarstjórn að afloknum sveitarstjórnarkosningum skv. ákvæðum *sveitarstjórnarlaga nr. 138/2011*. Sveitarstjórn kýs nefndinni formann og hverjum aðalmanni er jafnframt kosinn varamaður. Hafi tveir eða fleiri flokkar eða framboðslistar haft samstarf um kosningu atvinnumálanefndar, skal sá sem tilnefndi viðkomandi nefndarmann einnig tilnefna varamann hans. Nefndin kýs sér varaformann og ritara úr hópi nefndarmanna.

Kjörtímabil atvinnumálanefndar er hið sama og sveitarstjórnar. Auk kjörinna fulltrúa á sveitarstjóri rétt til fundarsetu með málfrelsi og tillögurétti. Þá er heimilt að kalla til á fundi nefndarinnar sérhvern þann er tengist málum sem fjallað er um hverju sinni. Starfsmönnum stofnana sveitarfélagsins er skylt að sitja fundi atvinnumálanefndar sé þess óskað.

Hlutverk og verksvið

Meginhlutverk atvinnumálanefndar er að móta stefnu og fylgja eftir í atvinnumálum sveitarfélagsins, með það fyrir augum hvað vænlegast er fyrir sveitarfélagið að gera til eflingar atvinnulífinu. Meðal verkefna nefndarinnar er:

- ◆ að vera sveitarstjórn til ráðgjafar og veita umsögn í atvinnumálum,
- ◆ að fylgjast með framkvæmd laga og reglugerða er snerta starfssvið nefndarinnar,
- ◆ að gera tillögur að fjárhagsáætlun til sveitarstjórnar um útgjaldaliði á sviði atvinnamála,
- ◆ að afla tiltækra upplýsinga, m.a. í samstarfi við aðrar nefndir, um þau atriði sem mestu máli skipta varðandi atvinnuáðstæður og byggðaðpróun,
- ◆ að eiga samstarf við ráðgjafa SASS á sviði atvinnuþróunar og nýsköpunar eftir því sem við á,
- ◆ að efla atvinnutækifæri í sveitarfélaginu með því að starfa að sameiginlegum hagsmunamálum atvinnulífsins í heild,
- ◆ að standa fyrir almennum fundum og annarri kynningu um atvinnumál,
- ◆ að fylgjast með atvinnuhorfum og vinna ásamt sveitarstjórn gegn almennu atvinnuleysi og bjargarskorti,
- ◆ að vera bakhjarl íbúa og fyrirtækja í sveitarfélaginu og til aðstoðar við nýsköpun og atvinnuuppbyggingu,
- ◆ að fjalla um önnur þau mál sem sveitarstjórn felur henni.

Starfshættir

Um starfshætti undirnefnda sveitarstjórnar Skaftárhrepps er fjallað í IV. kafla í *Samþykkt um stjórn og fundarsköp sveitarfélagsins Skaftárhrepps* og skal ákvæðum kaflans fylgt eftir því sem við á.

Atvinnumálanefnd kemur saman að minnsta kosti fjórum sinnum á ári. Skal gerð samþykkt um fundartíma á fyrsta fundi nefndarinnar í samráði við sveitarstjóra. Boðað skal til aukafunda að ákvörðun formanns eða ef tveir nefndarmanna óska þess. Heimilt er að fella niður fundi að sumarlagi og á öðrum tímum að mati formanns. Nefndin getur auglýst einstaka fundi sína opna, en verður annars að samþykkja viðveru hvers þess, sem ekki á seturétt á fundinum.

Þá getur nefndin staðið fyrir kynningarfundum vegna starfa sinna eða þeirra verkefna sem til umfjöllunar eru, og skulu slíkir fundir öllum opnir.

Nefndarformaður stýrir fundum nefndarinnar og sér um að taka á móti erindum og málum sem leggja á fyrir nefndina. Hann útbýr skriflegt eða rafrænt fundarboð þar sem

tilgreindur er fundarstaður og fundartími og dagskrá í tölusettum liðum. Fundarboð skal sent öllum aðalmönnum (varamönnum í forföllum aðalmanna) og öðrum sem seturétt eiga á fundum fræðslunefndar. Boðun funda skal fara fram með tryggilegum hætti svo öruggt sé að fundarboð hafi borist öllum í síðasta lagi sólarhring fyrir fund. Fundargerð seinasta fundar skal send með fundarboði.

Ritari færir fundargerð hvers fundar og er formaður ábyrgur fyrir að hún sé lesin upp í lok fundar og staðfest af viðstöddum fundarmönnum. Fundargerð skal greina númer fundar, skv. talningu ákveðinni af sveitarstjórn, hvar og hvenær fundur er haldinn og hverjir sitji hann. Skrá skal mál sem tekin eru fyrir. Lýsa skal erindum með meginefni þeirra, aðilum og dagsetningum bréfa.

Atvinnumálanefnd afgreiðir mál með samþykktum, ályktunum og ákvörðunum. Sé mál ekki afgreitt samhljóða, skal greina í fundargerð hvernig atkvæði hafa skipst. Mál telst fallið í atkvæðagreiðslu ef atkvæði falla að jöfnu.

Fundargerð má hvort heldur sem er færa í gerðarbók eða beint í tölvu, en sérstaklega skal gætt ákvæða í samþykkt um stjórn og fundarskóp Sveitarfélagsins Skaftárhrepps. Í lok fundar skal lesa fundargerðina upp og allir viðstaddir undirrita hana í gerðarbók og á útprentun tölvufærðrar fundargerðar. Sveitarstjóri sér um að undirrituð fundargerð sé tekin á dagskrá næsta fundar sveitarstjórnar Skaftárhrepps.

Fulltrúar í atvinnumálanefnd skulu fá hæfilega þóknun úr sveitarsjóði fyrir störf sín samkvæmt nánari ákvörðun sveitarstjórnar.

Eftirfylgni

Atvinnumálanefnd hefur með höndum framkvæmd þeirrar stefnu sem mótuð hefur verið á hverjum tíma varðandi verkefni nefndarinnar. Formaður og aðrir fulltrúar í atvinnumálanefnd skulu snúa sér til sveitarstjóra til að fylgja eftir þeim ákvörðunum og samþykktum sem ekki eru alfarið á verksviði atvinnumálanefndar að framfylgja.

Réttindi og skyldur atvinnumálanefndarmanna

Um réttindi og skyldur nefndarmanna gilda ákvæði *Sveitarstjórnarlaga* og samþykktar um stjórn og fundarskóp sveitarfélagsins Skaftárhrepps eftir atvikum.

Nefndarmanni er bæði rétt og skylt að sækja fundi nema lögmæt forföll hamli. Nú forfallast aðalmaður um stundarsakir og skal hann þá boða tilnefndan varamann sinn og láta formann nefndarinnar vita um forföllin með góðum fyrirvara. Flytjist aðalmaður burt úr sveitarfélaginu, falli hann frá eða forfallist varanlega á annan hátt tekur tilnefndur varamaður sæti hans þar til aðalmaður er kosinn að nýju og eftir atvikum annar varamaður.

Hver nefndarmaður á rétt á að koma máli á dagskrá fundar, enda skili hann efni þess til formanns nefndarinnar a.m.k. fimm sólarhringum fyrir fund. Nefndarmenn skulu hafa hag sveitarfélagsins að leiðarljósi við störf sín, en eru ekki bundnir af öðru en sannfæringu sinni og lögum í atkvæðagreiðslu um málefni á vettvangi atvinnumálanefndar. Þá skulu þeir virða í hvívetna *samþykkt um stjórn og fundarskóp sveitarfélagsins Skaftárhrepps*.

Nefndarmenn, og aðrir sem fundi Atvinnumálanefndar sitja, eru bundnir þagnarskyldu um það sem þeir fá vitneskju um á fundum eða í öðru starfi sínu fyrir Atvinnumálanefnd.

Nefndarmaður skal víkja af fundi við umræður og atkvæðagreiðslu mála sem varða hann sjálfan, skyldmenni hans eða nánustu venslamenn svo mjög að ætla má að það móti viljaafstöðu hans að einhverju leyti. Nefndarmanni er skylt að vekja athygli á því ef hæfi hans til meðferðar máls orkar tvímælis.

Lög og reglugerðir

Í störfum sínum skal atvinnumálanefnd taka mið af þeim lögum og reglugerðum sem snerta starfssvið hennar, sérstaklega þó *lögum um vinnumarkaðsaðgerðir nr. 55/2006* og *lögum um skipan ferðamála nr. 73/2005 m.s.b.* Þá skal nefndin fylgja sveitarstjórnarlögum nr. 138/2011 og *Samþykkt um stjórn og fundarskóp sveitarfélagsins Skaftárhrepps* eins og hún er hverju sinni.